




[WWW.JUSTICE.GC.CA/YOUTH](http://WWW.JUSTICE.GC.CA/YOUTH)

# TAIGUAKHALIUQTALINIQ



Maligaliurutaungmat, tamna *Inulrammiit Ihuinaaqtut Maligaliqinirmut Maliganga* (qablunaatitut naittumik taiyauyuq YCJA-mik) hiamittiqtailiyaat inulrammiit ihumagiyauyut ihuinaaqtut ihuinaarumikluuniit pihimapkaiplugit kinauyaakhanik aatlaniklu inuup naunaitkutingit hiamitirnaittumik. Tamna hiamitirnaidjutinga piyauvaktuq pipkaittailiplugu taiguagakhaliurutinga naunaitkutunik naunaipkaidjutiyuq inulrammiup ilaunninga ihuinaarutinganut apiqhuyiimut pidjutinginnik, pittailivlugulu piinariaqiniq inulrammiup naunaitkutingit titiqqat.

Una naunaitkutaq piqaqtuq naunaitkutunik piyut uumunnga Taiguakhaliuqtaliniq titiraqhimayumi *YCJA-mi*. Naunairyuumirumaguvit pidjutinga piinariaqininnigalu inulrammiinut naunaitkutingit titiqqat, uqaqatigilugu Inulrammiit Naunaitkutingit titiqqat naunaitkutingit titiraqhimayumi. Una naunaitkutaq pidjutauyuq pittailihimangittuqlu himmautikhaanik ayuittiaqhimayut maligaliqinirmut ikayuutikhanganik. Naunairyuumirumaguvit, takulugu *YCJA* Naittuq Qauyimadjutinganiklu iluittumik titiraqhimayuuq *YCJA-mi*.

## Huuqtauq Piliuqhimayuuq Taiguakhaliuqtaliniq

Tunngavinga hiamittiqtailininga hiamittiqtakhaunngittut inulrammiit ukunuuna Taiguakhaliuqtaliniq ilitarininnga nutarauvallaarmata ihariagiyullu aaniqtailigiami aanirnaqtunit taigualiurninnganik taimaa ikayuutikhanga ihuittumik piyauyuq.

## Kitut Pittailiyauyut?

Ihuinaarutauyuq titiriami atinga inulrammiup, aatlanikluuniit naunaitkutunik piyuq inulrammimut, kinauyaakhaanik tamna inuk ihumagiyauyuq, apiqhuqtauniaqtulu ihuinaaqtayumikluuniit.

Hiamittiqtailininnganut *YCJA-mi* pittailiyaalu kinauyaakhaanik inulrammiuyut ihuinaaqtut tautuktulluuni ihuinaaqtunik ihuinaarutauyuq inulrammimit.

Taiguagakhaliurniq naunaiyaqhimayuuq *YCJA-mik* taimaa tuhaqtipkaidjutinga naunaitkutunik ilitturipkaiplugu piinariaqiluguluuniit inungnut qanurittukkut, titiraqhimagumi, naalautingkut, tiiviikkut alruyaqtukkutluuniit. Titirarniq naunaitkutunik aturluni inungnut takuyakhanginnik Facebook-tut YouTube-kulluuniit piniaqtuq taiguagakhaliurnirmik.

Taiguagakhaliurniq kinauyaakhaanik inulrammiq, ihuinaaqtup ayuqhaqtipkaiyaa tautukturluuniit ahiruqtiqtumik *YCJA* piyakhangit ihuinaarutimik pittaqtuq malrunnik ukiunik tiguyauhimaluni.

(Publication Bans)



## Ilaungittut

Qaffiuyut ilaungittut maligamut taiguakhaliuqtailiniq kinauyaakhanik inuulrammiq ihuinaaqtut. Naunaitkutat kinauyaakhaanik inulrammiup ilaunninga ihuinaarutimut maligaliqinirmut pidjutinginnik titiraqtaunginnarialik hapkunanik qanurittaakhaanik:

1. talvani inulrammiq naunaiqtauyuk ihuinaaqtumik apiqhuiviklu pipkaidjutigiyya inirniup ihuinaarutitut;
2. talvani inulrammiq piyuq inulrammiup ihuinaarutinganik qanuriliurutinga qayangnaqtumik ihuinaarumi unalu apiqhuivik ihumagiyuq tamna inulrammiq pipkaidjutiyuq akhuurutauyumik qayangnarniq ihuinaaffaarumi piiqtauniqlu taimaaqtitauninnga hapummiriimi inuit qayangnaqtumit;
3. talvani taiguagakhaliurniq piliuqhimayuq qanuriliurutinga titiqiqininnga maligaliqinirmut (una uuktuutigilugu, ilaliutinga inulrammiup atinga apiqhuivingmi titiqqangani atuqtauyukhaq apiqhuyiit havaktinganit);
4. talvani inulrammiq naunaiqtut ihuinaaqtut qimaakpat apiqhuiviklu ihumagiyuq tamna inulrammiq qayangnaqtuq aatlanut inuknut taiguagakhaliurniq ihariagiyayuq tigugiamikni tamna inuk qimaayuq (taiguagakhaliurniq pitaaqtuq tallimanik ublunik);
5. talvani inulrammiq 18nguqtuq, titiraqtaaqtaa angirluniluuniit taiguagakhaliurniq naunaitkutinganit tiguyauhimanngitpat talvani taiguagakhaliuqhimakpat; unalu

6. talvani inulrammiq uuktuqtauyuk apiqhuivikmut, apiqhuivik apiqhuinginnarialik taimaa taiguagakhaliurniq quviahunngitpat taiguagakhaliurniq aatlaunngitpat inulrammiup nakuutqianik pidjutinga inungnullu pidjutinganut.

Mikiyutlu ilaungittut Taiguakhaliuqtailinirmut piyut uumunnga inulrammiuyut ihuinaaqtut takuyulluuniit ihuinaaqtunut ihumagiyayuq ihuinaaqtayuq inulrammirmut. Tahapkuat naunaitkutat titiraqtautaqtut inulrammimit ihuinaaqtup ayuqhaqtipkaiyaa tautuktulluuniit 18nguqqat, 18nguqtinnaguluuniit angiqtaukpat angayuqqaminit. Ilaani talvani inulrammiq ihuinaaqtup ayuqhaqtipkaiyaa tautuktulluuniit tuqkpat, angayuqqangit titirainnarialik angirluniluuniit taiguagakhaliurnirmut nutarangit kinauyaakhaanik. Kingulliqaami, inulramiq ihuinaaqtup ayuqhaqtipkaiyaa tautukturluuniit uuktuinnarialik apirhuivikmut uukturiami pipkaidjutiyukhaq taiguagakhaliurniq, apiqhuiviklu uuktuinnarialik quviagiyaukpat tamna taiguagakhaliurniq aatlaunngitpat inulrammiup nakuuyuq pidjutinga inungnulluuniit pidjutikhanginnut.